

U zajedničkoj akciji policije pronađeno oružje, uhapšen Sarajlija



Pronađena automatska puška i tri spremnika s ukupno 89 metaka (Izvor: MUP HNK)

Euronews.ba/Fena
Objavljeno 24.06.2025 09:21

U zajedničkoj akciji policijskih agencija koja je provedena na području Mostara pronađeno je oružje, a slobode je lišen A.F. (1989.) iz Sarajeva.

Kako je saopćeno iz MUP-a HNK, postupajući po dojadi Uprave policije MUP-a Kantona Sarajevo – Odjela kriminalističke policije PU Novi Grad, policijski službenici Odjela kriminalističke policije PU Mostar, u saradnji sa Sektorom kriminalističke policije, Jedinicom za podršku Uprave policije MUP-a HNK i Obavještajno-sigurnosnom agencijom BiH, u petak u večernjim satima, realizirali su operativnu akciju na lokalitetu naselja Rudnik – kop Vihovići u Gradu Mostaru.

Na osnovu prethodno prikupljenih informacija da se na području Mostara nalaze osobe povezane s izvršenjem kaznenih djela "Razbojništvo", "Teška krađa", "Ugrožavanje sigurnosti" i "Oštećenje tuđe stvari" počinjenih na području Kantona Sarajevo, a koje koriste putničko motorno vozilo marke VW Touareg, crne boje, njemačkih registarskih oznaka – koje je također predmet kaznenog djela – policijski službenici su operativnim radom locirali navedeno vozilo.

Prilikom postupanja, slobode je lišena osoba A.F. (1989.) iz Sarajeva, a o svemu je obaviješten dežurni tužilac Kantonalnog tužilaštva u Mostaru.

Izvršenim uviđajem u vozilu pronađeni su i izuzeti: automatska puška, tri spremnika s ukupno 89 metaka kalibra 7,62 × 39 mm, više pari rukavica, potkapa, maske, razni alati pogodni za izvršavanje kaznenih djela, crijevo s elektroinstalacijama, dva PVC bidona s nepoznatom tekućinom, mobilni telefon, SIM kartica, svjetiljka, više pari odjeće, lične stvari, te novac u različitim apoenima.

Dodatno, u Dubrovačkoj ulici u Mostaru, pronađeno je putničko motorno vozilo Seat, koje je koristila spomenuta osoba. Navedeno vozilo je specijalnim vozilom "Pauk" prebačeno u krug PU Mostar, dok je na mjestu događaja izvršen uviđaj.

Nadalje, 21. juna, u saradnji s policijskim službenicima Uprave policije MUP-a ZHK – Odjel kriminalističke policije PU Ljubuški, a na temelju pismene naredbe Općinskog suda u Ljubuškom izvršen je pretres stambenih prostorija koje je koristio osumnjičeni.

Tom prilikom pronađeni su predmeti koji potječu iz kaznenog djela "Teška krađa" prijavljenog 19. juna u PU Ljubuški.

Navedene aktivnosti rezultat su uspješne saradnje s Obavještajno sigurnosnom agencijom BiH, policijskim službenicima PU Novi Grad Uprave policije MUP-a KS i policijskih službenika Uprave policije ZHK, kažu iz MUP-a HNK.

Možda će vam se svidjeti

- Hapšenje
- Policija
- MUP KS
- Oružje
- MUP HNK



Najnovije vijesti

- Meloni pozvala lidere NATO-a da budu odlučni u postizanju primirja u...
- Evropski sud za ljudska prava poništio presudu u predmetu "Slaven...
- Gradski stadion u Banjaluci dobija novo ruho
- Besplatan parking u Banjaluci uskoro odlazi u zaborav
- Nizozemac Collin Seedorf novi igrač Željezničara



Najčitanije vijesti

- 1Gradiška: Afganistanci oteli grupu Pakistanaca, reagovala specijalna jedinica policije
- 2Američki obavještajci tvrde da nisu uništili iranski nuklearni program, Bijela kuća kaže da j...
- 3Počeo toplotni udar: U tri grada u 9 sati zabilježeno čak 29 stepeni
- 4Do vize SAD preko uvida u profile društvenih mreža
- 5Šta nismo znali o Bebeku: Rođen je u Sarajevu, a ne u Bugojnu i pravo ime mu nije...



Pretraga

Pretražite današnje teme

- Bliski istok
- Donald Trump
- Iran
- Izrael
- NATO

Teme	Više	Pratite nas >
Bosna i Hercegovina	Impressum	
Region	Kontakt	
Svijet	Politika privatnosti	
Sport	Uslovi korišćenja	
Magazin		